



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-022-5/24**
Datum: **27.02.2024. godine**

„Agencija za vodno područje rijeke Save“ Sarajevo rješavajući po zahtjevu Investitora „INGRUP“ d.o.o. Gornji Vakuf-Uskoplje za donošenje rješenja o vodnoj dozvoli za aktivnosti koje mogu imati specifične uticaje na vode prilikom izvođenja aktivnosti na lokaciji koja se koristi za proizvodnju svježeg betona, na lokalitetu u ulici Vrbaska bb na osnovu člana 139. stav (1) tačka 10. Zakona o vodama („Službene novine Federacije BiH“, broj 70/06) i člana 200. Zakona o upravnome postupku („Službene novine Federacije BiH“, broj 2/98, 48/99 i 61/22), donosi:

RJEŠENJE
o vodnoj dozvoli

1. Daje se vodna dozvola pravnom licu „INGRUP“ d.o.o. Gornji Vakuf-Uskoplje za aktivnosti koje mogu imati specifične uticaje na vode prilikom izvođenja aktivnosti na proizvodnji svježeg betona, na lokalitetu u ulici Vrbaska bb, na k.č. 1832, zk.ul.br.4771, K.O. Gornji Vakuf, općina Gornji Vakuf-Uskoplje.
2. Ova vodna dozvola se odnosi isključivo za aktivnosti koje mogu imati specifične uticaje na vode sa lokacije definirane tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za zahvaćanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Kantona Središnja Bosna u skladu sa članom 139. stav 2. tačka 1. i 2. Zakona o vodama („Službene novine Federacije BiH“ broj 70/06).
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i pod slijedećim uvjetima:
 - 3.1 Da korisnik izgrađenih objekata i instalirane opreme koji se koriste za proizvodnju svježeg betona, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
 - 3.2 Da korisnik navedenih objekata za vrijeme trajanja ove dozvole izvede sve radove /aktivnosti u skladu sa dostavljenim dinamičkim planom a sve prema članu 26.a Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24). Nosilac prava iz ove vodne dozvole dužan je izvještavati AVP Sava i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, a drugi put najkasnije do 30.06.2025. godine na obrascu iz Priloga B navedene Uredbe.
 - 3.3 Da korisnik navedenih objekata za vrijeme trajanja ove dozvole, osigura da prečišćene, otpadne vode sa lokaliteta koji se koristi za proizvodnju svježeg betona nesmetano sakupljaju i odvođe do gradske kanalizacije.
Prečišćene oborinske/otpadne vode moraju ostati u maksimalno dopuštenim granicama definiranim u Prilogu 27. Uredbe o uvjetima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20 i 1/24).
 - 3.4 Objekte čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.5 Proizvodnju svježeg betona vršiti isključivo na betonskoj podlozi s izvedenim sustavom odvodnje prema taložnicima i sustavom prečišćavanja, preko kontrolnog šahta iste upuštati u gradsku kanalizaciju.
 - 3.6 Da se sa opasnim i štetnim materijama (koje se eventualno koristi kao aditivi) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, takve materijale isključivo skladištiti u vodonepropusne kontejnere u natkrivenom prostoru.

- 3.7 Osigurati priručna sredstva za brzu intervenciju u slučaju nekontroliranog istjecanja nafte i naftnih derivata kao i ostalih štetnih/opasnih tečnosti i materijala na površinama po kojima se kreću strojevi i vozila na SUS pogon kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.8 Skladištenje agregata ili bilo kakvog drugog materijala se ne smije ni privremeno odlagati na česticu „vodno dobro“, odnosno u vodotoke i na njegove obale kao ni zelene površine.
- 3.9 Da se redovno vrši monitoring prečišćene otpadne vode iz svih ispusta shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uvjetima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.10 Da se, u skladu sa propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.11 Ukoliko Vlada kantona propiše dodatne (strožije) uvjete za ispuštanjem otpadnih voda u površinske vode, od uvjeta definiranih Uredbom o uvjetima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, „INGRUP“ d.o.o. Gornji Vakuf-Uskoplje je dužan provoditi sve mjere i aktivnosti propisane istom.
6. U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129, stav 1 Zakona o vodama („Službene novine Federacije BiH“ broj 70/06) se daje sa rokom važenja do 30.6.2025.god., ukoliko se ne ispune uvjeti dani u točki 3.2 ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

Obrazloženje

Investitor, „INGRUP“ d.o.o. Gornji Vakuf-Uskoplje obratio se ovoj Agenciji sa zahtjevom za izdavanje vodne dozvole za aktivnosti koje mogu imati specifične uticaje na vode a odnose se na proizvodnju svježeg betona na lokalitetu u ulici Vrbaska bb, izrađenog na k.č. 1832, zk.ul.br.4771, K.O. Gornji Vakuf, općina Gornji Vakuf-Uskoplje.

Uz zahtjev je dostavljena slijedeća dokumentacija:

- Rješenje o registraciji br. 051-0-Reg-13-000339 od 13.09.2013. godine izdato od strane Općinskog suda u Travniku;

- Uvjerenje o poreznoj registraciji od 22.10.2013. godine izdato od strane Porezne uprave Novi Travnik;
- Uvjerenje o registraciji / upisu u Jedinstveni registar obveznika indirektnih poreza br. 04/1-17-1-UPJR/1-8086-2/13 od 13.11.2013.god.;
- Odobrenje za uporabu br.07/3-23-1029/05 od 08.03.2006. god., izdano od Službe za urbanizam, građevinarstvo i prostorno planiranje, Općine Gornji Vakuf-Uskoplje;
- Odobrenje za građenje br. 07/3-23-1027/05 od 03.03.2006.god.; izdano od Službe za urbanizam, građevinarstvo i prostorno planiranje, Općine Gornji Vakuf-Uskoplje;
- Glavni projekt postrojenja za proizvodnju sirovog betona izrađen od GRADING d.o.o. Zenica iz 9/2005.;
- Dinamički plan sukladno članu 26.a Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24);
- Ugovor o pružanju komunalnih usluga broj: 01-3838-2/18 dana 13. 11.2018. god.;
- Uplatnica po zaključku o visini i roku pl. posebnih troškova;
- Kopija uplatnice o plaćenju upravnoj pristojbi.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 41/20 i 63/22), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-40-022-4/24 od 23.02.2024..

Postrojenje za proizvodnju betona izgrađeno je u ul. Vrbaska bb, Gornji Vakuf-Uskoplje, na lokalitetu koje se nalazi k.č. 1832, zk.ul.br.4771, K.O. Gornji Vakuf, općina Gornji Vakuf-Uskoplje.

Osim proizvodnje betona poduzeće se bavi i skladištenjem i prodajom građevinskih materijala i opreme.

Na lokalitetu je postavljeno postrojenje za proizvodnju betona s taložnikom, otvoreni depo za skladištenje agregata, čvrsti objekt koji se koristi za prodaju građevinskog materijala i opreme a u kome se nalazi i uredski prostor, vanjski, depo za skladištenje građevinskih materijala i opreme i manipulativni prostor.

Postrojenje za proizvodnju svježeg betona je kapaciteta **40 m³/h, proizvođača „OMG” Italija.** Manipulativni prostor je većim dijelom presvučen betonskom podlogom sa djelomično urađenim kanalima i slivnicima koji su spojeni na taložnik koji je u procesu rekonstrukcije u smislu ugradnje sustava za odvajanje agregata i postavljanje crnog postrojenja za recirkulaciju.

Sanitarne vode se upuštaju u gradsku kanalizaciju.

Dinamičkim planom koji je dostavljen kao prilog ovom zahtjevu predviđaju se sljedeće aktivnosti: Izrada novog projekta prikupljanja, odvodnje i tretmana otpadnih voda, povećanje površine koje će biti presvučeno vodonepropusnom podlogom, izgradnja sustava odvodnje i tretmana otpadnih voda s spojem na gradsku kanalizaciju, izrada monitoring otpadnih voda i izrada nastrešnica iznad prostora na kojem se skladišti građevinski materijal.

Vodoopskrba se vrši iz gradskog vodovoda kojim gospodari JKP „Vodovod i Kanalizacija” d.o.o. Gornji Vakuf.

Na lokalitetu gdje je izrađeno postrojenje za proizvodnju betona ne vrši se pretakanje goriva, jer se postrojenje nalazi blizu dvije benzinske stanice.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uvjeti u skladu sa članom 116. stav (1), članom 117. Zakona o vodama i članom 13. Pravilnika o sadržaju, obliku, uvjetima načinu izdavanja i čuvanja vodnih akata.

Na osnovu provedenog postupka konstatira se da je podnosilac zahtjeva „INGRUP“ d.o.o. Gornji Vakuf-Uskoplje, ispunio minimum uvjeta za izdavanje vodne dozvole te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl.ing.grad

Dostaviti:

- „INGRUP“ d.o.o. Gornji Vakuf-Uskoplje, Vrbaska bb, Gornji Vakuf-Uskoplje.
- AVP Sava, ISV-vodna knjiga
- Sektor 50
- ⊙ Sektor 40, arhiva
- Oglasna ploča-AVP Sava